



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput V.

urn:nbn:de:hbz:466:1-29452

Promissus est spiritus sanctus, & datur in Baptismo, vt adiuuet nostram infirmitatem, Rom. 6. Quatenus expugnemus, ac mortificemus concupiscentias carnis. Gubernat autem & iuuat non ociosos & ignauos, sed repugnantes peccato, qui lugent & tristantur, quod sint in regno peccati, Matt. 5. Beati qui lugent. Securos autem & obstinatos in peccatis, non iuuat. sic iuuuit Petrum Matth. 26. & non Iudam. Sic vnum latronem, qui doluit de commissis peccatis, altero relicto, Luc. 23. Sic iuuuit peccatricem, Luc. 7. relicto Pharisaeo. Sic iuuat fideles, relictis infidelibus, &c. Si quis igitur peccauerit etiam mortaliter, redeat, Spiritum sanctum imploret, & peccatum expugnet ut gratiam denuo recipiat, sicut David 2. Reg. vlti. & Petrus Matt. 26. Primo, remissio peccatorum precedit in iustificationis actu, deinde iustificatio datur donum, id est, Spiritus sanctus in custodem retentionemque iustificationis per suos fructus & obedientiam legis, Galat. 5.

CAPVT V.

ARGUMENTA.

1. *Vnde veniat homini fides Christi.*
2. *Quae sit fides Christiana, & in quo fundatur,*
3. *Quomodo cognoscitur & testificatur vera fides esse in homine.*

ERtum est quod natura nostra ex se ipsa non potest recte credere: ideo oportet vt iuuetur aliundè, propterea dicit Apostolus Rom. 10. quod fides est ex auditu, scilicet verbi DEI: nam oportet primum, vt verbum DEI denuncietur, & audiatur, sicut Ioann. tertio. Sic Deus dilexit mundum, vt

B 2 filium

filium suum vnigenitum daret, vt omnis qui credit
 in illum, non pereat, sed habeat vitā æternam. Acto.
 10. Huic omnes prophetæ testimonium perhibent,
 remissionem peccatorum accipere per nomen eius:
 Esai. XXVII.11. Omnis qui credit in illum, non con-
 fundetur. Iohel. 2. Omnis enim quicunque inuoca-
 uerit nomen Domini, saluus erit. Hæc & similia lo-
 ca scripturæ oportet primo vt denunciantur & au-
 diantur: Deindè opus est, vt auditor credat & non du-
 bitet sic esse, quemadmodum scripture dicit, eò quòd
 os Domini ea locutum sit. Et quòd sit impossibile,
 Deum posse mentiri, Hebr. 6. Postremò, vt auditor
 roget D E V M, vt donet eam gratiam sibi, quòd cre-
 dere possit. Nam de num Dei est fides, sicut Christus
 inquit Petro Matth. 16. Caro & sanguis non reuelau-
 uit tibi, scilicet quòd ego sum C H R I S T V S filius
 Dei, &c. Et sic peruenitur ad fidem. Fides est aliud
 nihil, nisi certa fiducia & spes consequendæ remissio-
 nis peccatorum atque salutis propter Christum, ad
 Heb. 11. Fides est substantia rerum sperandarum, id
 est, prima fiducia, substantialis fiducia, non opinio
 rerum speradarum, quæ propter Christum sunt pro-
 missa, scilicet remissio peccatorum, vita æterna, gra-
 tia Dei atque misericordia: Argumentum non appa-
 rentium: illa credo propter Christum consequi. Et si
 ratio naturalis illa non apprehendit, quomodo re-
 demptus sim, quomodo mors Christi sit vita mea, &
 redemptio: atqui fides certò tenet. Quare fides est
 certa fiducia, gewisse zuversicht sine omni dubita-
 tione misericordiæ diuinae consequendæ propter
 Christum. Qui ergò sic credit & non dubitat, hic ve-
 rissimè accipit misericordiam, gratiam D E I, remis-
 sionem & vitam. Sic enim Christus Matt. 9. inquit ad
 cœcos, qui dixerunt, Miserere nostri fili Dauid, quasi
 dicent, Restitue nobis visum: & C H R I S T V S
 respondit, Creditis quia hoc possum facere vobis?
 & dicunt

& dicunt ei: Utique Domine, tunc tetigis oculos eorum, dicens: Secundum fidem vestram fuit vobis, & aperti sunt oculi eorum. Ergo si certò credimus per Christum consequi remissionem & salutem, tunc verissimè illa accipiemus, & sicut nobis secundum fidem nostram. Quare fides est certa fiducia misericordiae diuinae consequendæ propter Christum. Fundatur ergo fides nostra super Christum, nempe quod propter ipsum & eius meritum & passionem, nobis remittuntur peccata nostra, & donatur salus: haec est virtus Dei, id est, passio Christi, quæ superat peccatum & mortem & satanam. Per hanc virtutem me. riti Christi filij Dei, vult Deus saluare quocunque saluat: hoc est Euangeliu[m] nostru[m], quo gloriamur nos Christiani, quoniam CHRISTVS mortuus est pro peccatis nostris, & surrexit propter iustitiam nostram, scilicet ut in ipso habeamus illam in accusatione peccati, legis & mortis, Rom. quarto, 1. Corint. decimoquinto. & ideo iactanter & letanter inquit Apostolus Rom. 1. Non erubesco Euangeliu[m]. Virtus enim Dei est in illo ad salutem omni[us] creden[ti], id est, hac virtute & potentia meriti & passionis CHRISTI, vult Deus pater nostri misereri. Et 1. Corinth. 1. inquit Apostolus: Nos prædicamus Christum crucifixum, scilicet pro peccatis nostris, Et hoc est ludæis scandalum, gentibus autem stultitia, sed tamen vocatis sanctis, id est, credentibus Dei virtus: quia haec virtus Dei, passionis & meriti Christi, fortior est peccato & satana: ideo illa vincit, & saluat credentem. Quisque igitur sibi applicare debet & dicere, CHRISTVS pro me passus est: Et illa applicatio discernit à propria & cōmuni fide, qua credimus pro totius mundi salute Christum passum, 1. Iohann. 2. Si pro peccatis totius mundi, & ego sum pars mundi, ergo & pro peccatis meis mortuus est. Quisque ergo sibi applicare debet Christum,

B 3 Fidem

3. Fidem veram inesse homini, demonstratur per duo, scilicet pœnitentiam, id est, cessationem à vitijs: deinde per obseruantiam præceptorum DEI, ex dilectione & gratiarum actione accepti beneficij Christi: de primo dicitur Marci 1. Lucæ 24. Pœnitentiam agite, & credite Euangelio. Prædicari in nomine eius pœnitentiam & remissionem peccatorum: De reliquo inquit Apostolus: Fides per dilectionem operans bona, placet Deo, Galat. 5. 1. Corinth. 7. Neque circuncisio neque præputium aliquid valet, sed obseruantia præceptorum Dei. Matth. 7. Non omnis qui dicit mihi, Domine Domine, &c. Lucæ 6. Quid autem vocatis me, Domine Domine, & non facitis ea quæ dico vobis? Illa ergo duo, declinare à malo, & facere bonum, ut Psalmo 33. & 36. dicitur, testificat veram adesse Fidem: quare peccatores, impœnitentes, infideles, &c. non habent fidem veram cordis ajustifyficantem, sed bene fidem oris, de qua Apostolus ad Titum 1. confitentur se nosse Deum ore, factis autem negant. At inquis: Si nullus peccator habet Fidem, ergo non est fides in mundo? eò quod omnes sumus peccatores. Respondeo: Est peccatum ex natura, quo omnes sumus peccatores. Psal. 50. Eccè enim in iniuritatibus conceptus sum, &c. Ephes. 2. Eramus oës natura filii iræ. Et 1. Ioan. 1. Si dixerimus quia peccatum non habemus, nosipso seducimus. Ab illo peccato nemo immunis est, ideo quotidiè oramus nobis dimitti debita nostra, Matth. 6. & ingemiscimus, liberari à peccato sicut filii Dei cupientes: Ad Rom. 8. Illa autem peccata nobis propter fidem in Christum condonantur.

4. Deinde est peccatum, quod Lex & Decalogus prohibet, adulterium scilicet, furtum, homicidium, inuidia, luxuria, &c. Qui ergo in illis delectantur & vivunt sine pœnitentia & cœlatione, non habent fidem consequendę misericordię Dei, alioqui cessarent, et si

ore

ore se iactant habere fidem, efficacia tamen Fidei nō sequitur, donec resipiscāt: effectum ergo Gratiae non habent, nec illa manet in peccatis contra legem factis, et si fides oris manet: ideò nihil valet illa fides. Ephes. 5. Hoc autem scitote, quoniam nullus avarus, fornicator, &c. 1. Corinth. 6. Neque molles, neq; fornicatores regnum Dei possidebunt, id est, dum sine cessatione pergunt in vitijs. Ideò filius hominis veniens, putásne inueniet fidem in terra? Lucæ 18. Vbi ergo est pœnitentia, emendatio vitæ & timor D E I atque præceptorum obseruantia, ibi adesse fidem veram demonstratur & agnoscitur.

CAPVT VI.

ARGVMENTA.

1. *Qua de causa dicitur quod Fides iustificet, id est, iustum faciat coram Deo peccatorem.*
2. *Cur Apostolus dicit, quod gratis iustificamur gratia ipsius Christi, Rom. 3.*
3. *Quomodo intelligendum, quod idem Apostolus dicit, quod iustificamur Fide sine operibus legis.*



T clarè intelligatur, quare Fidei tribuitur iustificatio, oportet primum notare præmissionem Dei, nempe quod Deus pater nobis promisit se velle nostri misereri, delere peccata & remittere propter nomen Christi Acto. 10. Huic omnes Prophetae testimonium perhibent, &c. Item, promisit vitam credenti in Christum, Ioan. 3. His præmissionibus Dei assentiri, credere, & velle sibi eas exhiberi, non aliter contingit nisi per fidem. Fides primò antè omne opus credit & assentit præmissioni & verbo Dei, quæ credit veracem, & quod impossibile sit, Deum men-

B 4 tiri